



Arubaanse Courant

Anja 25.

DIABIERNE 22 mei 1964

No. 5038.

MERCA LO MANDA TRUPANAN SI THAILANDIA PIDI ESEY

WASHINGTON, 22 mei.- Merca ta considerando pa manda trupanen pa Thailandia, pero no prome cu e situacion na Lao ta existi esey urgentemente. Aisna e embajador di Thailandia na Washington, a declara despues di un combersacion cu e segundo minister Mericano di exterior, Bundy, quende ta encarga cu asuntunan tocante mediano oriente. E combersacion a tuma lugar en coneccion cu e progreso di e trupanen comunista na Laos.

E embajador a bisa cu e trupanen mericano lo bai Thailandia, si Thailandia pidi esey. Su pais lo studia e situacion masha masha serio, prome cu e haci un tal peticion.

E ministerio Mericano di exterior a ripiti entre tantu cu Merca, lo no exclui ningun medida, entre cual un eventual accion militar, pa mantene e independencia y neutralidad di Laos contra e agresion comunista di Pathet Lao y Noord-Vietnam. Segun e ultimo noticianan e comandante neutralista, general Kong Lae, ta cu su forza di trupa di 3.000 homber den e tereno montanoso na West di llanura de Llantos. E teritorio aki ta goberna pa guerilleronan anti comunista. E adjudante a bisa, cu e general despues di bombardeonan fuerte door di Pathet Lao

meste a retira. Circulonan militar occidental ta supone, cu e general ta di caminadapa un caminda strategico, cu ta conduci pa valle, caminda e lo reuni cu e otro trupanen neutralista pa blokia e caminda.

Forzanan di guerra di Pathet Lao actualmente ta na 18 km di Vientiane, segun e minister di asuntunan interino di Thailandia, general Praphas Tsjaroesathien, a declara. E minister a bisa cu Thailandia no tin idea di serra e frontera cu Laos. Ne frontera nan lo tuma medidanan cu bista riba eventual ola di refugiadonan. Habitantenan di Thailandia, a haci e minister un peticion pa no entremete den asuntunan Laosiano. E minister Britanico di asuntunan exterior entre tantu a anuncia oficialmente di ta apoya e proposicion di principe Soevana Phoe-

ma pa tene deliberacionnan di paisnan cu a firma e declaracion di neutralidad di 1962, na Vientiane. Segun e bosero dje ministerio, nan no a pone cu esaki e plan frances un banda.

Ambos plan ta corre paralelo, segun e bosero. Pero Inglaterra sin embargo ta duna preferencia na proposicion di e principe, pasombra esaki ya a wordu haci caba. Rusia y Inglaterra ta deliberando actualmente acerca dje proposicion frances.

Manera anuncia, gobierno Frances a pidi e dos presidentenan dje conferencia por escrito pa reuni un conferencia acerca di Laos. Segun e proposicion frances esaki no necesario di meste ta un reunion di ministernan di exterior.

Segun un anuncio dje prome minister neutralista Soevanna Phomma e neutralistanan door di ataquenan grandi di Pathet Lao meste a renuncia tur nan fortalezanan riba e llanura di Xieng Khoeng. E llanura aki cu tin un grandura di 570 km cuadra ta contene entre otro llanura de Llantos, rondona pa serrunan. E ta keda na mas o menos 160 km na Noord di Vientiane. General Kong Lae den e pueblo Banna, caminda tin un aeropuerto y un hospital.

FATUM

Pa tur bo asegurado
Tel. 1845

Pasaheronan mes ta maneha tram

BRUSSEL, 22 mei.- Pasaheronan di tranvianan na Brussel, cu diariamente ta blaha cu tram, a hanja un oferta pa transport liber, si nan ta dispuesto pa durante nan carreda pa ciudad mainta y for di ciudad anochi, nan mes maneha e tranvia of actua como conductor.

E escarcez di personal na e compania di tranvia na Brussel bira asina urgente, cu e siman aki tabatin solamente un homber pa cada tranvia riba e linea di Brussel pa Londerzeel. E ocupacion di un persona obligatorio aqul pa dos wagon ta causa hopi retraso y awe e compania a busca yudanza di e pasaheronan, cu ta blaha pa abono. Despues di un curso corticu nan por bira conductor of manejador pa dos carrera pa dia. Nan no tin nodi di paga e abono y hasta nan ta hanja un recompensa acerca.

Prinses Christina a pasa un siman di trabao huntu cu su coleganan di school den e pueblo di Groningen Gartschui-zen. El a keda aja serca e familia Huizinga y den e schuur di e cas e portret aki a worde saca.



SABOR CU NUNCA TA
VAPIA

IT NEVER VARIES.

Situacion financiero di Antillas ta mihor cu di Surnam

SCHIPHOL, 22 mei.- Belastingnan, tabata en general tema dje deliberacionnan cu a tuma lugar ne bishita di secretario di estado di finanzas di Ulanda, dr. Van den Berge na Antillas. Riba invitacion di gobierno Antillano, cu kler a laga un experto Ulandes mira su sistema di belasting, señor van den Berge a sali tres siman pasa huntu cu e director general di politica fiscal, dje departamento di finanzas, baron van Lawick pa Corsow. Unaves na Antillas nan a pone riba peticion di gobierno di Surnam un permanencia di un siman na Paramaribo riba programa. Formulando masha cuidadosamente su impresionnan secretario a participa na su regreso na Schiphol, cu e sistema Antillano di belasting, den principio ta parse esun Ulandes, pero ta parse mas e sistema Ulandes prome cu guerra cu esun actual, segun el a bisa.

El a papia extensamente cu prome minister Jonckheer y ministernan Petronia di finanzas y Kroon di economia, tocante un complicacion, cu ta wordu forma na Antillas riba terreno di belasting, pa e hecho cu e ganashi di un cantidad di belasting, solamente parcial o tin blaha nada mes, ta cai pa gobierno cen-

tral, pero ne teritorionan insular separa. Tambe e secretario di estado a segura, cu e situacion financiero na Antillas, ta mas mihor cu esun di Surnam.

Destajo publico pa deposito di PANAM

ORANJESTAD, 22 mei.- Ayera na kantoer di Dienst Openbare Werken a worde destaja publicamente e construccion di un deposito temporario parti oost di e stationsgebouw di Prinses Beatrix-vliegveld. E inscripcionnan tabata lo siguiente:

1. Bouwmaatschappij "Aruba" N.V. fl. 31.633.--
2. Bohama-Aruba N.V. fl. 34.900.--
3. Marcial G. Tromp fl. 35.680.--
4. Phoenix N.V. fl. 35.750.--
5. Petrona & Croes Aruba N.V. fl. 46.240.--
6. Isidro Lopez fl. 38.250.--

E trabao aki a keda pendiente. Antes nos a publica caba cu Pan American Airways a participa e deseo pa por dispone riba e vliegveld di un lugar caminda por warda partinan di reserva.



ELMAR TA DESHACI DI SU CENTRALE

ORANJESTAD, 22 mei.- Actualmente ELMAR a cuminsa pa deshace su central di electricidad na Balashi, cual pues a bira inutil, despues cu na februari dje anja aki e compania aki a firma un contract cu gobierno, na unda a worde conveni cu e centrale electrico di W.E.B. lo entrega tur electricidad necesario na ELMAR.

Di e cuater generadornan di diesel chikito di capacidad di 1000 KW y e dosnan grandi 2000 kw, mientras tanto e cuater chikitonan a worde bendi. E prome dosnan lo worde barca diasabra pa Ciudad Bolivar, na unda un filial di OGEM ta stableci y cu awor lo bai haci uso dje generadornan aki.

Cu esaki anto un capitulo di e historia di ELMAR ta worde cera. E prome energia cu ELMAR a entrega tabata 15 di november 1950 - un centrale cu den gran apuro a worde construi y cu den ter di seis luna tabata cla! Senjor G.C. van den Bosch, hefe dje central aki, kende su dianan na Aruba tambe ta conta awor, ta recorda claramente ainda con e balast maximo ariba e prome a-nochi tabata 800 kw, locual no ta hopi comparativamente cu e 6.600 kw. di awendia. E tempo ey e centrale tabatin tres mashin chikito, cual na 1951 a worde expande cu e di cuater unidad chikito. E dos grandinan, a bini acerca na 1955 y 1957 respectivamente. Na 1958 e central di ELMAR a worde conecta pa prome bes na e fabrica di electricidad nobo cu e tempo ey ainda tabata chikito tambe, cual tabata parti di e planta di awa nobo na Balashi. Di anja 1958 te cu februari dje anja aki, ora cu e contract a worde firma entre gobierno y ELMAR y cu definitivamente a haci un fin na e central di ELMAR,

nan a keda sinembargo como "Stand by" en caso di dificultadnan tecnico cu e central nobo di WEG, y cu ayudo di ELMAR lo worde pidi. Diferente bes esaki a sucede tambe y casi semper senjor Van den Bosch suhendenan a logra conecta e central di ELMAR ariba e red electricoden termino di 5 te 10 minuut. Durante e comemento di despida cu directiva di ELMAR a ofrece na Basi Rutl diarazon na e personal di e central bieuw, ir. F.D. Looman un biha mas tabatin palabranan di elogio pa nan cu semper tabata cla y prepara, na cual ELMAR entre otro ta gradici su bon nomber.

Quico lo pasa cu e edificio bieuw di ELMAR, ir. Looman no por a bisa nos ainda. Si e por a informa nos cu di e 24 personalnan cu tabata traha den centrale bieuw 19 di nan a hanja un otro job caba, sea na otro departamentonan di ELMAR, of na otro parti. Di e prome dianan di november 1950 a keda solamente cinco persona te ainda ta den servicio di ELMAR, nan ta senjor J.H. da Costa, G.C. van den Bosch, Joe Bradshaw, E. Themen y I. William. Segun senjor vanden Bosch ta declara, for di november 1950 nunca un hende di su staf den e central a hanja un accidente di nomber. Un bunita record di seguridad anto!

Esaki ta un experimento nobo di ehercito mericano; un jeep cu por pasa riba awa cu ayudo di dos balon di aire na cada banda. E wiennan mes ta percurapae jeep bai dilanti.

Flor pa tur ocasion

- * flornan esochi
- * bunita areglá
- * entrega na cas
- pa bo pedidonan jama

Floresteria
THE GARDENIA
(prop. sra. L.E. Wix)
Missouristr. 15 - tel. 5316.

Tur marinier a recupera

SAVANETA, 22 mei.- Rumor nan cu ainda mitardie marinier nan na Savaneta ta drumi na cama malo no ta berdad (mas). Asina e commandant di e marinier nan, majoor G.C.J. Ballieux a segura nos ayera. Por cierto segundo dia di Pentecoste un malesa di barica a surgi onverwacht y como setenta marinier mester a bai cama.

Naturalmente esaki a trece algun consternacion y mesora tur medidanan a worde tuma en caso cu tabata malesa contagioso. Sinembargo despues a resulta cu no tabata asina serio y te cuayera solamente como 10% maximo di e marinier nan solamente tabata poco malo ainda, mientras cu tur e restonan tabata ariba pia caba. Quico a causa e infeccion di barica, te cu ayera ainda nan no por a informa nos. Nan ta pensa cu e esaki por ta via di e cuminda, aunque cu te ainda no tin ningun seguridad.

Arias ta entrega keho na huez

CIUDAD DE PANAMA, 22 mei.- Abogadonan dje partido di Dr. Arnulfo Arias, a entrega justicia Panamenjo di eleccion un keho caminda nan ta exigul anulacion dje eleccion di un dje provincianan pa motibu di soborno dje votadornan y den cua nan ta veng

NOS A RICIBI FOR DI MADEIRA

PRECIOSO



MACUTO DI CABANA

tur typo y tamanjo, tambe macutu pa pic nic, HAMPERS y set di stoel pa patio, baki pa corant y boeki etc.

Bin weita nan, sigur lo bo keda encantá di nan.

ACME STORE

San Nicolas

Tel. 5381

ATENCION DAMAS

FOR DI AWOR TE CU 15 DI JUNI P.V.

MADAM ALICE ta ofrece UN CHOLESTEROL OIL TREATMENT GRATIS

cu cada appointment.

MADAM ALICE ta haci esaki pa introduci su dos beautician nobo

LITA Y EMILY

na e damanan di Aruba.

NO PERDE E OPORTUNIDAD AKI, JAMA

TEL. 1565

MADAM ALICE BEAUTY SALON

NASSAUSTRAT 83

asina marcha di asuntunan den un otro provincia. Di otro fuente adversarionan politico di Arias ta descuti tocante e valides juridico di su cartanan credencial, segun cual e no por wordu admiti como miembro di parlamento, door cu tin pendiente contra Arias un asunto juridico pa motibo di a haci na Panama contrabanda cu 2000 caha di whiskey. Segun un noticia, douane a ninga Arias un visa pa sali dje pais, pasombra e meste ta presente na investigacion dje keho contra contrabanda.

Dr. Arias tabata ex-embahador di Panama na London. E ta espeso dje famoso ballarina ingles di ballet, Margot Fonteyn. Despues di su arestacion na 1963 pa motibu dje asunto di contrabanda, el a keda den libertad contra pago di un suma di garantia.

a caba di jega un precio-so surtido di

TRAJE DI BANJO

TWEKA

pa damas, den diferen-te color y estilo. Tambe

MALETA

di estilonan moderno, den varios color. Masha elegante, duradero, y toch na prijs favorable. pasa awe mes na

FANNY SHOP

O' Stad - San Nicolas.

Trafico aero y maritimo

ORANJESTAD, 22 mei.- Na luna di april di e anja aki na total a bishita hafnan di Aruba 216 bapornan di huntu 2.891.407 brt, contra respectivamente 218 di 2.969.170 brt na luna di april anja pasa. Sinembargo riba vlieg-veld e movecion a aumenta. E cantidad di aterizahenan a aumenta en comparacion cu april 1963 luna pasa di 229 pa 314.

E trafico di pasahero a aumenta di 9.674 pa 10.154. E cantidad di pasaheronan cu ta jega Aruba a aumenta cu amplio 9 por ciento en comparacion cu dies dos luna pasa.

Aleman na Egypto Scientificonan

TEL AVIV, 22 mei.- E democraatnan social di Alemania aki tres siman lo entrega Bondsdag Aleman un proposicion di ley, den cua nan ta prohibi actividad di scientificonan y techniconan Aleman na Egypto, segun e vicepresidente di Bondsdag Aleman, e democraat social Carlo Schmidt a anuncia na un conferencia di prensa na Tel Aviv. Schmidt a bisa, cu e proposicion ta apoya riba un articulo den e codico penal di Alemania, den cua nan ta prohibi participacionnan pa hecho di agresion.

BISTIR

den e coleccion mas grandi jamas visto..



- * ultimo creacionnan
- * colornan

precioso,

cu nos ta ricibi constantemente.

Tambe TAS y

SAPATO.

Pa damanan

di bongus-

to, e adres apropiada ta:

La Linda

NOBO NOBO NOBO
Nassaustraat 34.

Nos a caba di ricibi Tanel Print especialmente pa bistir di Shift, den color y disenjos fantastico.

Bunita tela Frottee, den bunita color, tambe Cotton Avril nobo y tela pa cortina. Serca nos semper ta mas barata!



Organisacion di Caribe a duna 54 beca

ORANJESTAD, 22 mei.- Pa anja 1964 e Organisacion del Caribe a otorga no menos cu 54 beca di estudio, locual huntu cu e 28 beca di anja pasá, ta haci un total di 82 persona kendenan den cuadro di e programa di Comision di Caribe ta studia na universidadnan den Caribe y na Estados Unidos.


Door di duna e becanan aki, e organisacion ta contribui na e paisnan miembro pa dispone di personal educa especial pa ocupa puestonan den proyectonan di desarrollo di paisnan aki. Pa 1964; tabatin 118 peticion. Na tur a worde duna 27 beca pa estudio di economia, 28 pa ensenanza, 25 pa technico, 26 pa agricultura y 12 pa administracion di gobierno. Di e 54 becanan cu a worde duna pa e anja aki, 29 lo bai studia na e Universidadnan di West Indies na Trinidad, 18 na e Inter American University na Puerto Rico, 3 na e universidad di Puerto Rico y tambe uno na e Universidad Catolico na Puerto Rico, uno na e Universidad di Colombia na Estados Unidos, y uno na Cornell University na Estados Unidos y uno na Howard University na Estados Unidos. Gastonan pa e becanan di estudio a ki ta worde cubri door di un subsidio cual e organisacion ta ricibi for di "Agency for International Development" na America. Pa anja 1963 e suma aki tabata 100.000 dollar, pa anja 1964 e suma aki a worde aumenta te na 200.000 dollar. Cinco di e becanan a bai pa Antigua, 6 pa Barbados, 2 pa B.G., 2 pa Virgin Island Ingles,



F. A. Luidens

5 pa Dominica, 4 pa Martinique, 4 pa Montserrat, 5 pa Antillas Neerlandes, 5 pa St. Kitts-Nevis-Anguilla, 5 pa St. Lucia, 5 pa St. Vincent y 2 pa Surinam.

Referente na Antillas Neerlandes senyor Elbert F. Marquez a hanja un beca pa studia pa maestro di school na e Universidad Catolico di Puerto Rico, senyor Dominico F. Martina a hanja un beca pa estudio technico na e Universidad di West Indie na Trinidad, senyor Felix A. Luidens, kende tabata traha den practico



ATHLETE'S FOOT?

USE

Absorbine Jr.
America's No. 1
Athlete's Foot Formula

At the very first sign of raw, red cracks between your toes... apply liquid Absorbine Jr.

Laboratory tests showed Absorbine Jr. killed 100% of Athlete's Foot fungi in test tubes in less than 5 minutes!

Use Absorbine Jr. regularly!

Available at all Drugstores.

Agents:

Marchena, Moron & Co. N.V.

di e dentesteria di senyor G.A. Oduber a hanja un beca di estudio pa administracion di gobierno na Inter American University na Puerto Rico, na e mes lugar senjores Orlando F. Cuales y Mac Lennan F. Hasham a hanja beca pa studia economia.



INVITACION

Ayera nos estimada mayornan Sr. Baldomero y Sra. Eranita Bislick a celebra 55 anja di bida matrimonial.

Nan jiunan cordialmente ta invita tur famia, amigo y conocirnan pa un reception, cu lo tuma lugar diasabra 23 di mei pa 8or di anochi na Nieuwe Weg 41, San Nicolas. Fabor considera e saki como un invitacion personal.

**KEEP
YOUR**

VALIANT

DART

PLYMOUTH

DODGE

CHRYSLER

IMPERIAL

**IN TOP
CONDITION**

WITH

MoPAR

CHRYSLER ENGINEERED

**PARTS
ACCESSORIES
ENGINE
AND CAR CARE
PRODUCTS**

Agents for Aruba:

**Viana Auto
Supply Co. Ltd.**

Bernhardstraat 101
San Nicolas Ph. 5120-5121



Cu alegria y gradicimento na Dios nos ta participa nacemento di nos jiu muhe

ELYANA ANOUSCKA

Eloy Dirksz
Vera Dirksz-Oduber.

Aruba, 17 mei 1964.
Papillon 32, Sta. Cruz.
Temp. San Pedro Hosp.

E sirena di brons den haf di Kopenhagen a ser destrui intencionalmente ora cu un malvado a zaag su cabes afor. Sin embargo awor e sirena tantu conoci lo worde restablece afor cu nan a traha un cabes nobo pe.



The „so good,“ flavor that only LIBBY'S can give you. Tasty as they are pretty, because they are the firm tender, sweet-as-honey LIBBY'S fruits.

**N.V. WINKEL'S
HANDEL MIJ.**



Na drechi e actor Cliff Robertson kende den e pelicula "PT-109"; ta hunga e papel di J.F.K., episodio heroico den tempo di guerra di defunto president John F. Kennedy. Pa comparacion na robez un portret original di Kennedy durante su servicio como commandante di "PT-109".

Cuba ta den estado di alerta general

HAVANA, 22 mei.- Ta worde informa, cu forsanan militar Cubano a worde pone den estado di alerta general, dia di libertacion di Cuba.

Di fuente oficial no tabatin participacion tocante e noticia ey, pero di fuente fidedigno na Havana a worde informa, cu tur verlofnan a worde hala aden, mientras cu e trupanen a hanja orden pa queda den guarnicionnan.

Na Havana mes tabata calmo. No tabatin indicacionnan cu polis y e trupanen di ilicicia den e capital Cubano a worde reforsa.

Autoridadnan a pidi e correspondencianan di occidente den e pais pa no bandonan e ciudad den e dianan venidero.

E comite di ciudadanonan pa un Cuba liber, cu cede na Washington, un organizacion anti-castista di habitantenan di Merca, a participa di a ricibi noticiannan, segun cual un cantidad chiqui di guerrilleronan den anochi a baha na Noord-Cuba.

Y na Miami, Florida, un transmision di un emisora secreto na Cuba a worde ricibi, den cual entre otro a worde anuncia, cu trupanen di comando di un organizacion di estudiantenan cu ta lucha contra dictadura di Fidel Castro, a pega camponan grandi di canja den parti oriental di e pais na candela.

E corant "Hoy" di partido comunista Cubano, a scribi, cu e mehor reaccion riba e ataque nan imperialista ta pa cu scopet arma redobla e prestacion di trabao.

E secretario general di Nacionnan Uni a contesta e minister Cubano di exterior Raul Roa riba su carta den cual e ta pone atencion di Oe Thant riba e vuelonan mericano di reconocementu riba Cuba y a pidie pa tuma pasonan pa evita e peligran cu ta worde causa pa e vuelonan ey. Oe Thant a laga sa cu el a studia e peticion Cubana minuiclosamente y entretantu apone gobierno mericano na altura di e preocupacion Cubana.

È conflicto entre Rusia y China

MOSCU, 22 mei.- E chinesnan a cuminsa for di anja 1960, cu duna expertonan ruso cu tabata bai e pais ey un "brainwash", asina e corant di gobierno Ruso Izvestija ta anuncia en coneccion cu critica di China riba e hecho cu Union Sovietica a retira su specialistanan for di China.

E autoridadnan Chines a crea intencionalmente circunstancianan insoportable pa e specialistanan Sovietico, door di cual no tabata posibel pa nan haci nan trabao normal, segun e corant Ruso.

Reunion di tata nan di consilio

INNSBRUCK, 22 mei. 70 tata di consilio cu ta bini di teritorionan Aleman, Scandinavo y India, algun dia pasa a reuni na Innsbruck pa delibera tocante e siguiente y ultimo sesion di consilio.

E reunion aki, bou di presidencia di arzobispo di colonia cardinal Frongs, lo dura te awe. Varios obispo di Alemania oriental a asisti ne deliberasionnan, mescos cu e observadornan foi Belgica, Francia, Finlandia y Ulanda.

Alcalde di Antwerpen ta renuncia retiro

BRUSELAS, 22 mei.- Burge-meester Lode Craeybeckz, di Antwerpen, a dicidi, di hala e peticion pa retiro cu el a entrega siman pasa, aden, segun e partido socialista Belgo a participa. El a tuma e desicion despues cu e departamento di Antwerpen dje partido socialista Belgo, a eligiele cu un mayoria aplastante como capitan riba e lista cerca eleccionnan municipal, ey lo worde tene na oktober dje anja aki na Belgica.

Dr. Craeybeckz, cu tin 64 anja, poco despues di guerra, a bira burgemeester di Antwerpen y a keda cu e puesto aki te awor. Su peticion di siman pasa a pa no ta candidato mas ne venidero eleccionnan en general ta wordupone en relacion cu critica, cu el a hanja, despues cu el a duna expresion den un cafeteria di Antwerpen na ideanan anti-semitismo.

De Veer Theater ta presenta: PT-109

ORANJESTAD, 22 mei.- Dia-domingo y dialuna venidero De Veer Theater lo presenta e pelicula "PT-109". E pelicula aki ta trece e episodio heroiconan di defunto president John F. Kennedy: momentonan di su servicio militar durante segunda guerra mundial ora cu su boto a worde torpedea y asina mes e la logra despues di hopi esfuerzonan duro pa salba bida di su tripulante y a hibanan salvo serca nan mes trupanen back.

Teniente John F. Kennedy den e pelicula aki ta commandante di un speedboat, e typonan cu tabata duna e enemigonan e susto di mas grandi den vecindario di Islanan di Salomon den Sur di Oceano Pacifico. Durante undi su misionnan e speedboat di Kennedy ta worde kibra door di un destroyer Japonés. Dos di su tripulante ta hanja nan morto, mientras cu Kennedy ta dicidi pa landa pa e isla mas cerca, esun cu nan ta jama Plumpudding. Aki Kennedy ta lastra un di su compatriotanan cu a worde seriamente herida cu su dientenan den laman. Esfuersonan pa hala atencion di avionnan cu ta pasa tur ta en vano, mescos cu varios otro esfuersonan desespera di e diesun sobrevivientenan. Por ultimo e grupo ta worde descubri door di dos nativo, kendenan ta hiba un mensahe di Kennedy pa e commandante di basis. No muchu despues salvacion ta jega. E papel di Kennedy ta den man di Cliff Robertson.

DE VEER THEATER

ta presenta:
diasabra 23, diadomingo 24 - dial. 25
di mei p.v. pa 8.30 p.m.

The true story of Lt. John Fitzgerald Kennedy's incredible adventure in the South Pacific!

PT 109

CLIFF ROBERTSON in the year's most talked about role! TY HARDIN - JAMES GREGORY - ROBERT CULP

GRANT WILLIAMS - JACK L. WARNER - LESLIE H. MARTINSON - RICHARD L. BREEN - BRYAN FOY - WARNER BROS.

fl. 1,75 — tur edad. — fl. 1,25

E invalido ingles di tempu di guerra C.B. Smith for di Edingburga presta algu fenomenal door di traha un modelo di e puente riba e riu Kwai cu su boca. E construccion a worde

traha completamente di palu di lusefe. Smith a hanja e placa di honor di e concurso pa obranan di man nacional, locual a worde entrega pa minister Richard Wood durante un reunion na e ministerio.





Cas di gobierno

Fuera di responsabilidad di Relaccion.

Apreciable Redactor di Arubaanse Courant. Permitti un espacio den bo courant tan lesa aki na Aruba, pa mi laga auto-ridadnan sabi otro inhusticia cu ta pasa aki den Pueblo. Mi a pidi un cas di Gobierno un tempo y un meneer a puntra mi si mi ta casa y si mi tin jui.

Mi a bise wel mi ta casá, pero mi señora no tin jui, pero mi tin mi mama serca mi, cu mi kier un cas di dos cuarto y e meneer a bula bisa mi cu no, mi no por hanja esel, pasobra lei notapermiti. Wel awor mi ta mira otro cos, cu pa arubano lei no ta permiti, pero pa otro cu no ta arubano si lei ta permiti. Com por ta unda nos ta bai, pakico Gobierno no ta mira esel. Awor mi ta mira cu tin hende cu notin jui,

ta biba den cas di mas cu un cuarto, com por ta, unda lei a keda. Ta asina nos ta bisa cu talei Democrático ta e bon lei. Wel mi ta kere cu ta simpatizata e mihor lei cu tin aki na Aruba. Wel mi ta spera cu Gobierno pronto lo hasi algo pa nos votadornan arubano. Corda Arubano, no lubida, Aruba mester ta di nos prome cu di otro. No lubida cu ora Aruba cai por completo tur hende tabai lagé, menos Arubano, pasobra ta esaki ta di nan. Wel mi ta kere cu ta nan mester ta prome arriba nan lugá. Rumannan boso paga tino si no nos ta keda na caja. Mi ta termina aki, danki na Sr. Redactor pa espacio consedi.

F. Maduro.
Dividivistr. no. 5.

Tambe na Oslo e capital di Noruega, e teennan ta bringa cu polis. E portret aki ta muestra cu ambos partido ta trata otro cu gentileza.

Militar di NU mata na Cyprus

NICOSIA, 22 Mei. - Un bosero di e cuartel general dje forzadi paz di Nacionnan Uni na Cyprus a participa cu ayeranochi un solda Finlandes di e forza dipaz di Nacionnan Uni a worde mata pa un chipriota Turco, e Finlandes a worde tira cercadje pueblo Griego chipriota Jerolakkos, na mas o menos 5 km na Noordwest di Nicosia. E te prome militar di forza di paz di Nacionnan Uni na Cyprus cu a muri. Dia 23 di december un militar Britanico a muri.

E representante special di Oe Thant di Nacionnan Uni na Cyprus, Galo Plaza Lasso, ayeranochi a llega New York cu avion for London. El a sali immediate pa cas di Oe Thant pa duna rapport dje situacion na Cyprus. Entre tanto a llega Cyprus 69 unidad di oficialnan dje contingente danes pe forza di paz di Nacionnan Uni Te intento cu ta na fin dje siman aki lo tin staciona riba e isla militar danes. E cantidad mes ta mil homber locual lo worde alcanza den algun siman mas. Nan lo tuma over servisionan di partrulla dje guarnision Britanico na Nicosia.

Merca ta bai traha avion supersonico

WASHINGTON, 22 mei.- President Johnson a duna permit pa seramentu di 4 contract, cu tin como fin di sigui expande planan pa desarrollo di un avion jet supersonico mericano, cu meste haci compentencia cu e avion frances ingles Concord.

Casa Blanca a anuncia, cu e Boeing V Company, y Lockheed Aircraft Corporation, lo instala un investigacion pe influencia riba prijs di compra di un avion, pe direccion, gastonan di explotacion, grandura y efecto di sonido, cambio di velocidad di un avion, y e distancia cu e por alcanza. General Electric Company, y Pratt and Whitney, di United Aircraft Corporation lo hanja contractonan pa desarrollo di partinan y demostracionnan di capacidad di e motoran.

Izvestia ta acusa minister chinos

MOSCU, 22 Mei. - E corant di gobierno Izvestia, awe a haci un ataque, riba un lider Chines y pa di prome biaha tambe a menciona nomber dje persona relaciona. Ta trata dje vice premier Chines Bo I Bo, cu ta acusa di falsificacion y mentira na gran escala. Esaki a du-

na den un entrevista cun periodista Mericano un explicacion dje punto di bista di gobierno Chines tocante relacionnan comercial entre Rusia y China y

tocante retiro di specialistanan Ruso for China. E lidernan Chines, segun e corant, intensionalmente a crea un situacion insoportable pa nos specialistanan, door di cua a bira imposibel pa nan, di continua nan trabou normalmente y door di cua nan dignidad ta worde viola. E corant

Ruso, despues a rechaza e responsabilidad di Rusia pa kibramentu di contractnan pa entrega di materialnan industrial pa China. Apesar dje intencionan di reconsiliacion di Rusia y Chines, nan ta comporta nan mes na un manera, cu jamas a pasa den historia di relacionnan entre paisnan socialista, segun Izvestia.

Huelga na Asturia ta continua

MADRID, 22 mei.- Den e minan di carbon di Asturia na Spanja caminda exactamente un luna pasa un huelga a cuminsa e situacion ta mesun cos ainda. Ta parse cu e 7.000 huelgistanan lo continua nan huelga apesar dje hecho, cu e intencionan pa expande e huelga te cerca empresanan industrial no tabatin exito. Algun otro caminda den epais, e accionnan di huelga a termina. Na Santander nan ta traha atrobe den e fabrica, "Nueva Montana Quijano".

E foganon dje empresa aki pronto lo cuminsa traha. Na Baskenland situacion ta normal atrobe.

Presupuesto di Argentina

BUENOS AIRES, 21 mei. Presupuesto di Argentina pe anja aki te 31 di oktober proximo ta muestra un deficit di 289 millard peso. Di e suma aki 92 millard lo bini di fianzanan. E deficit calcula ta mas o menos e doble di esun di anja pasa. E puesto cu a causa mas danjo ne situacion economico ta cerca ferroviaria, cu huntu cu empresanan mas chiqui di transporte, ta tuma 22,18 por ciento dje presupuesto. Pa defensa nan a saca un suma di 16,04 por ciento y pa ensenanza 12,79. Mientras cu pa cuida di salu nan a pidi 1,62 por ciento.



Huelga na Sabena a termina

BRUSELAS, 22 mei. E huelga cerca e compania nacional Belgo di aviasion "Sabena", cu siman pasa diamars a cuminsa entre un parti dje personal aerea, lo termina. Mei anochi nan lo cuminsa traha atrobe. Un comision di reconciliacion a logra di obtene aprobacion dje directiva dje compania sindicato liberal, cu a proclama e huelga, un compromiso.

E kestion ta basa entre otro riba e cantidad di oranan liber pa personal aerea entre e vuelonan. Principalmente e red Europeo di Sabena, a sufrí e ultimo 10 dianan dje huelga aki mas tantu.

Segun a calculo, di directiva e huelga a costa e compania 5 million frank belgo pa dia locual ta 180.000 florin antillano.

Pronosticacion di Soekarno

DJAKARTA, 22 mei. - President Soekarno a bisa na un reunion massal na Djakarta, cu Indonesia prome solo sali dia prome di Januari di otro anja lo a destrui Malasia.

E president a papia pa un multitud di mas o menos 10.000 persona, cu a reuni pa e formacion oficial dje prome brigada di voluntarionan cu pronto lo wordu manda Borneo pa uni na cuaklier momento cu e guerillaronan cu ta trata pa destrui Malasia.

President Soekarno a declara, cu Malasia por spera ayudo dje potencianan imperialista. Indonesia, ta apoya sin embargo pa paisnan Africano-Aziatico y Latino Americano. Ultimamente Rusia y China comunista a mustra nan aprobacion pe politiek Indones contra Malasia.

Mision Africano pa Hulanda

SCHIPHOL, 22 mei. - Un delegacion di goodwill di republica

Segun tradicion segundo pentecoste a tuma lugar e tal "vlaggetjesdag" na Scheveningen. Den e haf e barcunan dorna cu banderanan tabata warda interesadonan, cu e anja aki tabatin masha poco.



TIRENAN

ta di calidad mas mihó, cu cualke otro marca. E banda di rodamiento cu cuerda di 100% di nylon ta permiti bo corre hopi mas kilometros. E ta sumamente elegante.

Tirenán "Cordovan" ta di bon calidad y fabrica di equiponan original mericano.

**AUTOPARTS
JOHN MANSUR**

L.G. Smith Blvd.
tel. 3094.

Tsjad di Africa del Norte a sali cu un avion di KLM for Paris pa Schiphol. Na cabes dje mision tin e minister Africano di economia y transporte, senjora Lamana Abdoulaye.

Ne aeropuerto a saluda e huespednan senjor Adoum Aganaye, embahador di republica Africano na Bruselas. Durante e bishita dje mision di goodwill na Ulanda e lo companjanan. Esaki ta e prome biaha cu hoben republica, cu a obtene independencia na anja 1960 ta haci un viahe di goodwill. Minister Abdoulaye a bisa na Schiphol cu esaki te prome intento pa busca posibilidadnan, cu ta keda den paisnan den cual nan ta busca cooperacion economico.

E mision africano, cu despues di su bishita na Francia y Ulanda probablemente lo bishita algun otro pais, lo sali dialuna awor.

Argentina ta anula contractnan

BUENOS AIRES, 22 Mei. - Renuncio di contractnan petrolera y eheucion completo dje desicionnan en acuerdo, a worde llama den un declaracion dje minister di economia di Argentina algun definitivo y irremediable. E contractnan, cu e ex president Frondizi a duna companianan petrolera di exterior, a worde llama ilegal y a worde aboli pa president Arturo Illia.

Huelga na Italia

Roma, 22 Mei. - 400.000 Obrero den e industria textilera Italiano diamars awor nana lo tene un huelga di 24 ora. Tur sindicato nan a pone nan mes tras dje huelga aki pa motibo di fracaso dje deliberacionnan tocante renobacion dje acuerdo colectivo di trabou.



Dificultad cu teenagernan

LONDEN, 22 Mei. - Den varios ciudad Ingles, ayeranochi, e gruponan "Mods" y "Rockers", di

teenagernan dicua esnan menciona prome "e Dandiesnan", a bringa cu Rockersnan cu ta rivalnan bisti cu bashi di cuerdo. Polis a haci 50 arestacion Na un exposicion na Pinner cerca di Londen polis meste a detene 30 hoben, dicua shete tabatin arma den nan poder.

E prome edificio di e "Dorp" cerca di Arnhem a worde tuma oficialmente den uso. E apertura a worde simbolisa door di hisamento di e bandera nacional door di e director nobo mr. Bijleveld (drechi) y Dr. Klapwijk.

Matamentu na Guyana Ingles

georgetown, 22 Mei. - Revolucionarionan ayera den e teritorio di Cyprus chiqui, na Guyana Britanico a obliga un trein pa stop y a ataca e viaheronan cu cuchu. Di fuente oficial a ser participa cu mas di 20 persona a keda herida. 4 persona di colo a keda hospitalisa den situacion serio. Tambe nan a sende den varios parti dje pais 29 cas na candela.

Fianza pa fabrica na Venezuela

WASHINGTON, 21 mei. - E banco di export import a anuncia cu nan a admiti den favor di Papeles Venezolanos C.A., na Guacara na Venezuela un fianza di 2,3 million dollar den cuadro di aliansa pa progreso. E fianza lo wordu paga for 1967 den shete anja di tempo.



AGENDA

ARUBAANSE COURANT
 ariamente cu excepcion di
 diadomingo
 bscripcion f. 3.25 pa luna
 edicion los 20 ct.
 edita pa:
 V. ARUBAANSE DRUKKERIJ
 en UITGEVERS - en PUBLI-
 TEITS MIJ.

imprimi na:
 N.V. DRUKKERIJ
 „DE STAD,,

elefoon 1116 Directiva y redac-
 ion, 2116 Anuncio y subscrip-
 ion.
 Directeur hoofdredacteur:
 D. Wolff.

OR CUMpra ARUBAANSE
 OURANT NA E SIGUENTE
 UGARNAN:

A ORANJESTAD:
 OEKHADEL MARISKA.
 IET SODA FOUNTAIN.
 EFRESQUERIA INGRID.

NA SAN NICOLAS
 NICOLAAS STORE.
 UNION STORE.

OTICANAN DI WARDA

ranjestad Botica Aruba Tel.
 80 1081.
 an Nicolas Botica San Lucas
 el: 5119

CINE

e Veer: 8.30 p.m. "Ursel,
 e Wreker der Slaven" 18 j
 ialto: 8.00 p.m. "Hands of
 Stranger" 18 j
 Principal: 8.00 p.m. "The
 Keeler Affair" 18 j
 aurora: 7.30 p.m. "The Big
 Circus" all
 avaneta: 8.00 p.m. "The
 on of Spartacus" all

TELEARUBA

30 Cartoons
 30 Public Service
 30 Robin Hood
 45 Paplamente Newscast Live
 & Filmnews
 30 Gunsmoke

7.45 Paplamente Sportnews
 8.15 Rufo Weaver
 8.45 Highway patrol
 9.00 English Newscast Live &
 News
 10.00 Perry Mason
 10.30 Colonel Flack

RADIO CARACAS' TELEVISION

8.45 Senderos de luz.
 9.00 T.V. Educativa
 10.30 Cosas de mujeres.
 11.15 El hogar y la moda.
 11.45 Novela.
 12.00 Noticias.
 12.05 Show de Renny.
 13.15 Se necesita una amiga.
 13.35 Cortos.
 14.00 Yo se lo vendo.
 14.30 Documental.
 15.00 Estudio de Hector Monte-
 verde.
 15.30 Perfecta ama de casa.
 16.00 Mejías y sus muchachos.
 16.45 Busque su marca.
 17.30 Super Car.
 18.00 Dan Bravene.
 19.00 Trama 30.
 19.30 La ley del revolver.
 20.00 El observador.
 20.45 Pepe y Gladys.
 21.15 Victoria del mar.
 21.45 Las enfermeras.
 22.45 Noticias.
 23.00 Cine Americano.

RADIO VICTORIA

6.00 Peticiones
 6.15 E. Bijbel Habri
 6.30 Ultimas Noticias
 6.45 Ecos del Cielo
 7.15 Bo Musica Favorito
 7.45 El camino de Victoria
 8.00 Canta Leo
 8.15 Mundo Femenino
 8.30 Ultimas Noticias
 8.45 Musica Di Banda
 9.00 Noticias español
 9.15 Melodias Del Alma
 9.30 Morning Melodies
 10.00 World News
 10.10 The Bible For You
 10.15 Through The Bible
 10.45 Organ Melodies
 11.00 Chapel Of The Air
 11.15 Novela Cristiana
 11.30 Melodias Di Merdia
 P.M.
 12.00 Ultimas Noticias
 12.15 Musica Sagrada
 12.24 Thought For The Day
 12.30 World News
 12.45 Quiet Time



1.00 Radio Concert Hall
 2.00 Reading Room
 2.15 Songs Of Zion
 2.30 Quiet Hour
 2.45 Radio Revival
 3.15 World News Headlines
 3.20 Ensueños Musicales
 3.45 Luz y Berdad
 4.15 Ultimas Noticias
 4.30 Musica Di Banda
 4.45 Noticias Español
 5.00 Informacio Di Gobierno
 5.15 Palabranan Di Bida
 5.30 Unshackled
 6.00 World News
 6.15 Haven Of Rest
 6.45 Listening Post
 7.00 Musical Interlude
 7.15 Off The Record
 7.30 Back To The Bible
 8.00 Musical Gems

8.30 Nederlands Nieuws
 8.45 Voor Zijn Glorie
 9.00 Klassieke Muziek
 10.00 Sign off

Ehercicio nan di NAVO

OSLO, 22 Mei. Ne ehercicionan di NAVO cu ta worde tene di dos te 20 di juni na norte di Noruega, militarnan di Belgica, Italia Inglaterra y Merca lo worde transporta cu avion. Forza Aerea di Noruega, lo worde fortifica pa unidad foi Ulanda, Inglaterra, Belgica y Merca.

Marina di Merca kier investiga e capacidad humano pa keda biba y traha pa mas tempu bao di awa. Un capsula di acero di diez meter cu seis homber lo keda tres siman bao di laman. Durante e ultimo siman e astronauta Carpenter lo participa den e experimento.

Bebe

B o c a C h i c a

waak bao dje tapa

...y cobra bo premio!

Tortura di un amor NOVELA

No. 7.

O, unda? e pregunta aki a worde haci na un manera menazador. "Te na unda cu mi sa, bo notin ningun famia mas." Andrea a keda sorpresa cu e Conde sa asina hopi di dje. "Mi tin amistad, el a contesta poco poco. "Esey kler meen, cu bo kler bay na e finca di Brit? "Si". "Mi a sospecha esey caba. Pero esey no por ta. Bo a pensa caba, cu mi amigo Thomas ta soltero, y cua number e lo haya si bo mester keda biba serca djepabasta tempo?" "Keda keto, por fabor!" Na un manera sorpresa, Andrea su wowonan blau a keda miré. "Ta é mes a invitami, yademas mi amiga ta biba serca dje." El a bolbe coy su maleta y kler a sigui cana. Pero e Conde ta stroba su caminda. "Mi no ta permiti pa bo bay serca Brit? Esey ami mes lo di." "Bo ta equivoca", e Conde a contesta tranquil. "Di loke bo haci of laga ta bo voogd mester dicidi. Y e a confiabo na nos. Pero permiti-

mi un blaha mas papidibo". Decidi el a kita e maleta for di su man y a mustra riba e auto. Por fabor, lagami bay", Andrea ta miré suplicante. "Sin cu mi tabata kler mi a causapleitamento y disgusto den bo cas".

"Y ademas despues di e cos cu a pasa, mi no por topa cu Condesa Hulla tur dia mas." "Bo tin duele di loke bo a haci anto? Conde Nico ta mire cu bofon."

"Duele?" Andrea su bunita wowonan a cumenza brilla. "No, tur ora lo mi trata asina. Bo sa", el a bisa casi cu bofon, "no ta sin peliger pa tin mi, den bo cas. Y ta pesey ta mihor si bo lagami bay."

Mes tanto curashi cu Thomas Brit, tin tambe na castillo di Elmer! Nos por defende nos culpa. Y si nan ta convenci, mescos cu bo, di e exactitud di e manera di actua, anto nan mes mester por carga e consecuencia tambe. Andrea a baha su cabez. El a compronde. E Conde kler duna Hulla su satisfaccion. Okay, lo e renuncia epelea.

"Ban cu mi awor", Nico a bisa sin pasenshi. "Papa lobira emocionacion si nos dos a tarda hopi."

Venci el a tuma lugar handie e Conde. Di repente el a sinti su mes bandoma y solitaria, principalmente pasobra e Conde no a haya necesario pa papia un pala-

bra mas cu né. Cu su cara abou el a cana drenta den e sala. Pero solamente e Conde bjeuw tabata presente. El a hala rosea alivia. Andrea su wowonan a jena cu awa. "No tumami na malo, Sr. Conde, cu mi a trata asina awor ey". "Pakiko bo ta asina inconsequente?" Andrea a tende un stem duro tras di su lomba. Tabata e stem di e Conde Nico. "Bo no mestr excusa bo mescercapapa. Segun e, bo a actua correcto." "Pero abo si notakere no?" "Riba esaki e no a contesta. Pero e Conde bjeuw a sonrei cu né. "Bay sinta, mi jiu, y no pensa riba e escena terribel ey. Ya el a bruha nos hopi caba". Un mirada cu cuidao di Andrea a cruza esun di e Conde joven. Pa su sorpresa e por a ripara cu e Conde su wowonan tabata miré casi gozá. "Bo ta sintibo bon pa bo bin traha poco pa mi, awe nochí?", el a puntra. Ta prom'e blaha cu el a dirigi palabra na dje ora cu nan tabata na mesa sinta. "Si, natural", el a bisa sin miré. "E trabao ta bay lihe?", e Conde bjeuw a puntra. "Oh, si", maske cu e Conde joven a contesta, entre tanto e ta mirando Andrea. "Gracias na bo secretaria habil, nos a delantahopí caba." Andrea su cara a bira corra, ora cu el a tende e palabranan aki. Si e ta-

bata sa, ki dia e Conde aki ta stop di haci bofon. Keto e ta sinta mas despues dilanti dje, den su kamber di trabao. Rapido e ta tuma loke Conde Nico dicté. Den e kachel tin un candela agradable sendi, cu ta duna e kamber un atmosfera confiable. Atrobe di balna e por sconde su desilusion, ora cu di repente Conde Nico a stop. "Awenocht, si a bira laat! Tuma bo tempo tranquil, pa skirbié over. For di mayan mi mester viaha pa algun dia." Ora cu Conde Nico a bisa e palabranan aki Andrea a sinti un stil keto y doloroso. Lo e bolbe bay pa semper? Coy loco, y si ta asina mes, ta kiko e tin cu nes?

Mientras cu e ta recogiendo su papelnan junto, su wowonan ta pasa riba e cosnan stranjo cu tin riba Conde Nico su lesse-naar. Souvenir di viahanan leeuw. Tambe e imagen chikito di oro den e cashi di plata, cu ta pasa pa un joven di belleza extraordinario, ta un di nan. Tur ora e mester mire, pero e no ta durf pa puntra algo tocante dje, ni tampoco pa admiré di serca. E Conde a ripara su interres? Cu e palabranan: "Warda un rato", el a habri e porta di glas.

E ta sigui...

RIP KIRBY

pa cortesia di:

JAN BODEGOM & CO (ARUBA) N.V.

Agente exclusivo di

FRIESCHE VLAG

lechi evaporado y lechi en polvo

MAXWELL HOUSE KOFFIE.**Horoscopo personal**

ARIES-21 di maart-20 di april
Cualquier tratonan comercial cu ta requiri e traslado efectivo bo mester realisa nan cu cuidao.

TAURO-21 di april - 21 di mei
Limita bo actividadnan na e cosnan cu ta bini naturalmente. Esaki no ta un dia pa drenta den fashenan nobo di bida o di un carrera.

GEMINIS- 22 di mei - 21 di juni
Tene e meta di e dia aki presente. No laga distraccionnan empeña bo vision.

CANCER- 22 di juni - 23 di juli
Sea cual ta e obsecionnan fuerte encuanto bo actual plannan lo ta prudente si bo warda un poco.

LEO- 24 di juli - 23 di augustus
Esaki ta un dia cu ta bale la pena warda. Sin embargo evita e enredonan legal cu por conducibo den dificultadnan.

VIRGO-24 di augustus - 23 di september
Esaki ta un dia pa bo separabo financieramente. Preveni e futuro dificultadnan bisando no na e actual alicientenan.

LIBRA- 24 di september - 23 di october
Pensa e cosnan bon pa evita di extendebo demasiado. Mas laat lo bo tin tempu pa bo ratunan di ocio.

ESCORPION-24 di october - 22 di november
Evita compromisonan definitivo. Bo proximo meta lo ta bon. Proteha bo actual ventaha. sagitario23 di no

SAGITARIO23 di november - 22 di december
Bo propio recuerdonan di experiencia lo yuda masha hopi e dia aki. Sorru pa bo tin bo wowonan habri.

CAPRICORNIO-23 di december - 20 di januari
Mantene bo mes firme den bo forma di pensa actualmente y durante e proximo poco dianan.

ACUARIO-21 di januari - 19 di februari
Bo por obtene ganancianan personal si bo por maneja bon cu circulan profesional. Crea ambiente amistoso.

PISCIS-20 di februari - 20 di maart
Evita di descansa por completo. Lo bo bai tin mester di un poco di tension nervioso.

Armanan ruso pa Indonesia

DJAKARTA, 22 mei.- Rusia lo entrega Indonesia e anja aki un cantidad di avion y helicopternan a combati submarinonan. Segun Schout bij Nacht Martadinata minister di marina a anuncia. E avionnan ta bin den luga dje avionnan Gannet di Inglaterra. Inglaterra a stop entrega dje avionnan aki pa motibo di actitude di Indonesia contra Malasia.

Pago di danjo pa indjannan

WASHINGTON, 22 Mei. - E comision federal Mericano cu ta ocupa su mes cu pretension dje Indjannan, a saca fo, que Indjannan seminoles tin derechi riba compensacion pa mas di 4/5 parti dje territorio di Florida. E Indjannan ta pidi por lo menos tres dollar y 12 pa hectaria, e bator dje territorio, ora cu na cuminzamentu di siglo 19 a worde concedi na gobierno. Esaki ta nifica que tribu, lo hanja 40 millon dollar. Na Florida ta biba 1500 Indian seminoles den pobreza mientras cu tin mas o menos 3500 na Oklahoma.

CISCO KID

pa cortesia di:

ARUBA BOTTLING COMPANY

NESBITTS den varios sabor, e refresconan mas pidi y mas gusta na Aruba.


**BUCHI ROBEZ**

Pa cortesia di:

PIET'S SODA FOUNTAIN

Tel. 2123

E mihor adres pa snacks, tur clase di dushi, softdrinks, ice-cream y revistas.

**PEPITA**

pa cortesia di:

ANTILLIAN HARDWARE CO.

E mihor adres pa VERF, KWASHI, TUR HERMENT, ARTICULOS SANITARIO.

**DICK TRACY**

presenta pa cortesia di

JOHN MANSUR AUTOPARTS

na unda bo ta hanja piezanan di auto, garantisá pa nan calidad.

L.G. Smith Blvd. (P'riba di La Esperanza) tel. 3094.

